



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

LXXXIII. Der Papst Jnnocenz IV. schreibt dem Bischofe in Naumburg, daß er den Bischof und das Domcapitel in Brandenburg unter seinen besondern Schutz genommen, am 7. Aug. 1251.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

ficam appellatione postposita compescendo. Datum Lugduni, III. Kal. Octobr., pontificatus nostri anno septimo.

Nach dem Originale.

LXXXI. Der Papst Innocenz IV. heißt dem Bischöfe in Brandenburg, gegen die Bedrückungen, welche Kirchen erleiden, nach seiner Pflicht zu verfahren, am 7. August 1251.

Innocentius episcopus, servus servorum dei, venerabili fratri, episcopo Brandenburgensi, salutem et apostolicam benedictionem. Petitio tua nobis exhibita continebat, quod nonnulli, qui gloriantur cum malefecerint et exultant in rebus pessimis, Brandenburgensem et alias ecclesias Brandenburgensis civitatis et diocesis ac personas ecclesiasticas indebitis exactionibus aggravantes, indebita et inconsueta servitia contra justitiam ab eis exigunt et extorquent, bona quoque clericorum, cum decedunt, pretextu prave consuetudinis sibi usurpant, pro sue libito voluntatis in animarum suarum periculum et derogationem ecclesiastice libertatis, quare nobis humiliter supplicasti, ut providere super hoc paterna providentia curaremus; quocirca fraternitati tue per apostolica scripta mandamus, quatinus super premisis libere officii tui debitum exequaris. Datum Mediolani, VII. Id. Aug., pontificatus nostri anno nono.

Nach dem Originale.

LXXXII. Der Papst Innocenz IV. nimmt das Domcapitel in Brandenburg in seinen besondern Schutz, am 7. August 1251.

Innocentius episcopus, servus servorum dei, venerabili fratri, episcopo et dilectis filiis, preposito et capitulo Brandenburgensi. — Vestris — justis postulationibus grato concurrentes assensu personas vestras et Brandenburgensem ecclesiam cum omnibus bonis, que impresentiarum rationabiliter possidetis aut in futurum justis modis prestante domino poteritis adipisci, sub beati Petri et nostra protectione suscipimus, specialiter autem terras, possessiones, domos et alia bona vestra, sicut ea omnia iuste ac pacifice possidetis, vobis et per vos eidem ecclesie auctoritate apostolica confirmamus et presentis scripti patrocinio communimus. Nulli ergo omnino hominum etc. Datum Mediolani, VII. id. Augusti, pontificatus nostri anno nono.

Nach dem Originale.

LXXXIII. Der Papst Innocenz IV. schreibt dem Bischöfe in Naumburg, daß er den Bischof und das Domcapitel in Brandenburg unter seinen besondern Schutz genommen, am 7. Aug. 1251.

Innocentius episcopus, servus servorum dei, venerabili fratri, episcopo Nuemburgensi, salutem et apostolicam benedictionem. Venerabilis fratris nostri episcopi et dilectorum filiorum,
 Hauptst. I. Bb. VIII. 21

prepositi et capituli Brandenburgensis iustis postulationibus grato concurrentes assensu personas eorum et Brandenburgensem ecclesiam cum omnibus bonis, que impresentiarum rationabiliter possident aut in futurum iustis modis prestante domino poterunt adipisci, sub beati Petri ac nostra protectione suscipimus, specialiter autem terras, possessiones, domos et alia bona ipsorum, sicut ea omnia iuste et pacifice possident, eis et per ipsos eidem ecclesie auctoritate apostolica duximus confirmanda. Quocirca fraternitati tue per apostolica scripta mandamus, quatinus episcopum, prepositum, capitulum et ecclesiam supradictos non permittas super hiis contra protectionis et confirmationis nostre tenorem ab aliquibus indebite molestari, molestatores huiusmodi per censuram ecclesiasticam appellatione postposita, compescendo. Datum Mediolani, VII Id. Aug., pontificatus nostri anno nono.

Nach dem Originale.

LXXXIV. Die Markgrafen Johann und Otto bestätigen, daß sie die Petricapelle auf der Burg an den Bischof überlassen haben, am 13. Octbr. 1254.

In nomine sancte et individue Trinitatis. Johannes et Otto, dei gratia Brandenburgenses marchiones, omnibus in perpetuum. Facta preterita sepius recitata et in scriptis redacta magis elucescunt et memorie hominum, que labilis est, imprimuntur, si scripturarum testimoniis roborantur. Hinc est, quod notum facimus tam presentibus quam futuris Christi fidelibus universis, quod nos jam dudum capellam in Brandeborch et redditus, attinentes ad eandem, venerabili in Christo patri, domino Gernando, bone memorie episcopo Brandenburgensi, ad usus episcopales contulimus. Et ut cavillatoribus quibuslibet volentibus episcopos, qui pro tempore fuerint, super cappella ipsa in prejudicium nostre donationis indebite molestare, malignandi janua precludatur, hanc nostram donationem iteravimus, immo potius donationem jam dudum factam in persona venerabilis patris, domini Ottonis, Brandenburgensis episcopi, declaravimus ad instantiam precum ipsius, ipsam capellam ipsi integre cum suis redditibus conferendo, ut tam suis quam suorum successorum usibus perpetuo perseveret. Datum Seiesere, anno domini M^o. CC^o. quinquagesimo quarto, III. Nonas Octobris.

Nach dem Originale.

LXXXV. Der Cardinal Peter bestätigt dem Bischofe von Brandenburg die Schenkung der Petricapelle, am 17. November 1254.

Venerabili in Christo patri, dei gratia episcopo Brandenburgensi, Petrus miseratione divina Sancti Georgii ad velum aureum diaconus Cardinalis, apostolice sedis legatus, salutem in domino. Exhibita nobis uestra petitio continebat, quod nobiles viri, marchiones Brandenburgenses cappellam in Brandeborg ad eorum dominationem spectantem, vobis ad usus episcopales liberalitate pia et provida concesserunt, prout in eorundem litteris inde confectis dicitur plenius contineri. Nos itaque uestris supplicationibus inclinati, quod ab eisdem nobilibus pie et provide factum